

B530
PERSIDANGAN
(1)

DARI ZAINOOR SULAIMAN
1981

MELBOURNE, 27 SEPT. (BERNAMA) — SERAMAI 11 ORANG KETUA KERAJAAN NEGERI KOMANWEL TERMASUK PERDANA MENTERI DATUK SERI DR. MAHATHIR MOHAMAD TIDAK AKAN MENGHADIRI PERSIDANGAN PARA KETUA KERAJAAN KOMANWEL YANG BERMULA DI SINI RABU INI.

KETUA-KETUA KERAJAAN ITU TERMASUK DARI BANGLADESH, SRI LANKA, TRINIDAD DAN TOBAGO, MALTA DAN BAHAMAS.

SEJUMLAH 42 NEGARA TELAH MENGESAHKAN PENYERTAAN DALAM PERSIDANGAN 10 HARI ITU YANG AKAN DIRASMIKAN OLEH RATU ELIZABETH II DARI ENGLAND SELAKU KETUA KOMANWEL.

RATU ELIZABETH TIBA DI SINI DARI LONDON MALAM TADI DAN SEKARANG TINGGAL DALAM KAPAL DIRAJA +BRITANNIA+ YANG TIBA TERLEBIH DAHULU.

NEGARA-NEGARA YANG MENYERTA PERSIDANGAN ITU AKAN DIWAKILI OLEH 30 ORANG PRESIDEN DAN PERDANA MENTERI DAN YANG LAIN OLEH MENTERI-MENTERI LUAR ATAU PERWAKILAN RASMI NEGARA.

DI SAMPING ITU, KIRA-KIRA 50 ORANG MENTERI AKAN MENYERTA PERWAKILAN NEGARA MASING-MASING. — BERSAMBUNG 1305/MK

B531

PERSIDANGAN 2 MELBOURNE

MENTERI LUAR NEGERI TAN SRI GHAZALI SHAFIE, YANG MENGETUAI PERWAKILAN MALAYSIA SERAMAI 14 ORANG, DIJANGKA TIBA DI SINI RABU INI SEBELUM MAJLIS PERASMIAN.

MENURUT PROGRAM YANG DIKELUARKAN OLEH URUSETIA PERSIDANGAN TERSEBUT, RATU ELIZABETH AKAN MENERIMA KUNJUNGAN KETUA-KETUA PERWAKILAN MULAI ESOK.

NEGARA TUANRUMAH, AUSTRALIA TELAH MENGATUR LANGKAH KESELAMATAN YANG KETAT BAGI MENENTUKAN KESELAMATAN PARA KETUA KERAJAAN DAN PERWAKILAN ASING SEMASA PERSIDANGAN ITU YANG MERUPAKAN PERISTIWA TERBESAR DI MELBOURNE DALAM MASA 25 TAHUN LALU.
— BERNAMA 1307/MK